

AKASHVANI AIZAWL
REGIONAL NEWS BULLETIN
(MIDDAY)



HOMES

Directorate of social welfare leh directorate of women & child development hnuai-ah Home 126 chhinchhiah a ni.

Social welfare, women & child development department hotute chhinchhiah danin directorate of social welfare-in ruihhlo ngai buaipuitu Home a chhinchhiat zat chu 44 a ni a, kum upate enkawl na bik Home 3 a awm bawk. Ruihhlo ngaite enkawl na Home siamtute inkaihhruaina atan hian The Mizoram Drug Treatment cum Rehabilitation Centres Accreditation Rules, 2019 chu hman a ni a. He inkaihhruaina hi ennawn mek a ni a, siam that tura buaipui mek a ni. Directorate of women & child development hnuai-ah hian The Juvenile Justice (Care & Protection of Children) Act, 2015 tlawhchhana Mission Vatsalya hnuai-ah inziaklut Home 67 a awm a. Chu'ng zingah chuan Observation Home 12, Special Home 2, Place of Safety 1, Specialised Adoption Agency 13 leh Children's Home 39 a tel a, hei bakah hian Mission Shakti hnuai-ah Shakti Sadan 12 awmin Aizawl district-ah 4 Kolasib district a 2 leh district 6-ah 1 theuh a awm bawk a ni.

Mission Vatsalya hnuai-ah awm Home 67 te hi The Juvenile Justice (Care & Protection of Children) Act, 2015 leh kum 2021 a he dan siamthat bakah The Mizoram Juvenile Justice (Care & Protection of Children) Rules, 2019 leh kum 2024 a rules siamthat hmanga inkaihhruai a ni a. Shakti Sadan te erawh chu Mission Shakti inkaihhruaina hmanga kalpui an ni thung.



LAST SUNDAY SCHOOL

Kumin, 2025 a Pathianni hnuhnung ber vawiin kha Mizorama kohhran hrang hrangte chuan Sande Sikul kai tha lawmman semna ni atan an hmang a, Pathianni chawhma sande sikul kai kim vek bakah kohhran thenkhat chuan vawi khat emaw vawi hnih kai lo lawmman pahniha leh pathumna an sem bawk ani. Presbyterian kohhran chuan kum 10 chhung a zawna Sande Sikul kaikim hnenah Pi Zaii Medal an hlan thin a, kum 15 a zawna kai kim hnenah Pi Zaii Medal Special an hlan bawk ani. Mizoram Baptist Kohhran pawhin vawiin khan tualchhug kohhran hrang hrangah Pathian biak inkhawmna an nei a, kohhran hrang hrangte pawhin vawiin khan sande sikul kai kim tha lawmman semna ni atan an hmang bawk a, chawhnu lamah zaikhawm a hun hmang an awm bawk a ni.



ROAD MARKINGS

Mizoram chhim lama Kawngpui siamtu National Highways & Infrastructure Development Corporation Ltd. (NHIDCL) in Lawngtlai khawpui chhung kawngpui a chhinchhiahna Road marking tha tak an siam vangin Lawngtlai Bawrhsap Pu Donny Lalruatsanga chuan lawmawm a tih thu a sawi.

NHIDCL hian Lawngtlai khawpui chhung kawngpui hi an enkawl ni lo mahse, district Bawrhsap ngenna ngai pawimawhin khawpui chhung kawngpui-ah thatakin kawng chhinchhiahna an rin a, he hna hi Krismas hma deuh khan zawh fel a ni . Bawrhsap chuan NHIDCL hotute lengah sawmin, a ngenna an tihhlawhtlin vingin lawmthu a hrilh a, khawpui chhunga kawng penhle thenkhat chu road marking tihtel sak tura ngenin, thuneitu sang zawkah bawhzui tura dah a ni.

Khawpui leh hmasawnna thang zelah Lawngtlai khawpui chhung kawng double lane chu chhinchhiahna a awm loh avangin lirthei tlan leh dah danah te, mipui chetvelna ah te harsatna a awm thin vingin road making mumal tak neih chu khawpui hmasawnna pakhat a nih vingin Bawrhsap chuan lirthei khalhtu leh neitute bakah mipuite chu kawngpui zah thiama, road making chu a nih dan tura hmang turin a chah a, neitu rilru pu chung a enkawl tul a tih thu a sawi.

Lawngtlai khawpui chhunga road making hi NHIDCL lam chuan an enkawl kawngpui a nih loh vingin an vilzui a rem loh tur thu Bawrhsap an hrilh a. Pu Donny Lalruatsanga chuan a enkawl chhonzawm dan tur chu district thuneitute'n an lo ngaihtuah tur thu a sawi a ni.

